

漢書門類		一一九八三	一七	五
類		號	函	册

內閣文庫		漢書	一一九八三	一七	五
類		號	函	册	架

內閣文庫		番號	漢 11983
冊數		5 ( 4 )	
函號		300	190

















王翰林集註黃帝八十一難經卷之四

秦越人撰



德用楊玄操

楊康侯註解

王九思王鼎象石友諒

王惟一校正附音釋

四十難曰經言肝主色

肝木也木之華萼敷布五色故主色也

心主臭

心火也火之化物五臭出焉是故五臭心獨主之也

脾主味



虞曰脾土也土其甘受味故主味禮云其受和味此義也

肺主聲

虞曰肺金也金擊之有聲故五音皆出於肺也

腎主液

虞曰腎水也水流濕故主液也

鼻者肺之候而反知香臭耳者腎之候而反聞聲其意何也然肺者西方金也金生於巳巳者南方火也火者心心主臭故令鼻知香臭腎者北方水也水生於申申者西方金也肺主聲故令耳聞聲

楊曰五行有相因成事有當體成事者至如肺腎二

藏相因成也其餘三藏自成之也

四十一難曰肝獨有兩葉以何應也然肝者東方木也木者春也

虞曰在五常木法春應仁故云木者春也人之仁發於用也

萬物始生其尚幼小

虞曰肝木足厥陰配膽木足少陽少陽之至乍火乍少乍短乍長故云幼小

意無所親

虞曰水者應春法仁施恩無求報不以親而施化育故曰意無所親



去太陰尚近

虞曰十二經相注足厥陰還復注手太陰故曰去太陰尚近也

離太陽不遠

虞曰本經言足厥陰少陽水生手太陽少陰火故云離太陽不遠則此義也

猶有兩心

虞曰猶如也如有兩心者謂注於太陰有畏金之心生於太陽有生火之心故云猶有兩心

故有兩葉亦應木葉也

楊曰肝者據大葉言之則是兩葉也若據小葉言之

則多葉矣解在後章○丁曰經言肝者東方木也應春萬物之所生其尚幼小然始生者非長生也謂木初受氣是言幼少也意無所親者謂以失其父未識其母故曰意無所親也去太陰尚近太陰是七月木始受氣離太陽不遠也太陽是六月故言離太陽不遠也猶有兩心者為離太陽戀太陰有此離戀故言兩心也所以肝有兩葉以應木葉也

四十二難曰人腸胃長短受水穀多少各幾何然胃大一尺五寸徑五寸長二尺六寸橫屈受水穀三斗五升其中常留穀二斗水一斗五升

楊曰凡人食入於口而聚於胃故經云胃者水穀之



海胃中穀熟則傳入火腸也

小腸大二寸半徑八分分之少半長二丈二尺受穀二斗四升水六升三合合之太半

楊曰小腸受胃之穀而傳入於大腸分穀三分有二為太半有一為少半

迴腸大四寸徑一寸半長二丈一尺受穀一斗水七升半

楊曰迴腸者大腸也受小腸之穀而傳入於廣腸焉  
○虞曰水穀自胃有三斗五升傳入小腸則穀剩四斗水少八升六合合之少半又傳入大腸水穀之數比之在胃各減一半至此則水分入膀胱穀傳入

門也

廣腸大八寸徑二寸半長二丈八寸受穀九升三合八分合之一

楊曰廣腸者臄腸也一名肛門受大腸之穀而傳出故腸胃凡長五丈八尺四寸合受水穀八斗七升六合八分合之一此腸胃長短受水穀之數也

楊曰據甲乙經言腸胃凡長六丈四寸四分所以與此不同者甲乙經從口至臄腸而數之故長此經從胃至臄而數之故短亦所以互相發明非有謬也

肝重四斤四兩左三葉右四葉凡七葉  
虞曰肝足厥陰配足少陽少陽之次數於七故有七



葉

主藏魂

虞曰魂者神氣之輔強也。○楊曰肝者幹也。於五行爲木。故其於體狀有枝幹也。肝神七人。老子曰名明堂宮。蘭臺府。從宮三千六百人。又云肝神六童子。三女人。又肝神名蓋藍。

心重十二兩中有七孔三毛盛精汁三合主藏神

楊曰心識也。言所以識識微無物不貫也。又云心任也。言能任物也。其神九人。太尉公名絳。宮大始。南極老人。元先之身。其從宮三千六百人。又曰心爲帝主。身之主也。心神又名响响。○虞曰神者精氣之化成也。

識勿作識

也

脾重二斤三兩扁廣三寸長五寸有散膏半斤主裹血

溫五藏主藏意

楊曰脾俾也在胃之下。俾助胃氣。主化水穀也。其神五人。玄光玉女子。母其從宮三千六百人。其脾神又名俾俾。

肺重三斤三兩六葉兩耳凡八葉

虞曰肺者金之瞽充之氣。位居於酉。酉是八門八葉之應法於此也。

主藏魄

楊曰肺勃也。言其氣勃鬱也。其神八人。大和君名曰

按唐法缺意之詳



鳴鳩如作鴻

玉堂宮尚書府其從宮三千六百人又云肺神十四童子七女子肺神又名鳴鳩○虞曰魄者精氣之匡輔也

腎有兩枚重一斤一兩主藏志

楊曰腎引也腎屬水主引水氣灌注諸脉也其神六人司徒司官司命司隸校尉廷尉卿腎神又名側側○虞曰專意不移者志

膽在肝之短葉間重三兩三銖盛精汁三合

楊曰膽敢也言其人有膽氣果敢也其神五人太一道君居紫房宮中其從宮三千六百人膽神又名灌灌○虞曰膽者中正之官決斷出焉

胃重二斤二兩紆曲屈伸長二尺六寸大一尺五寸徑

五寸盛穀二斗水一斗五升

楊曰胃圍也言圍受食物也其神十二人五光之氣諫議大夫其胃神名且且○虞曰胃為倉廩之官也

小腸重二斤十四兩長三丈二尺廣二寸半徑八分分之少半左廻疊積十六曲盛穀二斗四升水六升三合合之太半

楊曰腸暢也言通暢胃氣去滓穢也其神二人元梁使者小腸神又名繫繫○虞曰小腸為受盛之官化物出焉

大腸重二斤十二兩長二丈一尺廣四寸徑一寸當齊



右迴十六曲盛穀一斗水七升半

楊曰大腸即迴腸也以其迴曲因以名之其神二人

元梁使者其神名涓涓○虞曰大腸為傳導之官變

化出焉

膀胱重九兩二銖縱廣九寸盛溺九升九合

楊曰膀胱橫也膀胱廣也言其體短而橫廣又名胞胞鞆

也鞆虛空也以需業水液焉今人多以兩脇下及小

腹兩邊為膀胱深為謬也○虞曰膀胱為剌都之官

津液藏焉

口廣二寸半唇至齒長九分齒以後至會厭深三寸半

大容五合舌重十兩長七寸廣二寸半

楊曰舌者泄也言可舒泄於言語也○虞曰唇者聲之扇舌者聲之機

咽門重十兩廣二寸半至胃長一尺六寸

楊曰咽嚥也言可以嚥物也又謂之嗑言氣之流通

扼要之處也咽為胃之系也故經曰咽主地氣胃為

土故云主地氣也

喉嚨重十二兩廣二寸長一尺二寸九節

楊曰喉嚨空虛也言其中空虛可以通氣息焉即肺

之系也呼吸之道路故經云喉主天氣肺應天故云

主天氣也喉嚨與咽並行其實無異而人多感之

肛門重十二兩大八寸徑二寸大半長二尺八寸受穀

洞經洞々

而作虛

滑本作十二兩

感疑感誤



九升三合八分合之一

揚曰。肛。缸也。言其處似車缸形。故曰。肛門。即廣腸也。又名。膾腸。○丁。曰。前腸。胃徑圍。大小不同。其言。胃大。一尺五寸。徑。五寸者。即是圍。徑。一也。小腸。徑。八分。大。二寸四分。則是也。今言。二寸半。即分之。少半。迴腸。徑。一寸半。即大。四寸五分。今言。大。四寸。即少。五分也。廣腸。徑。一寸半。即大。七寸五分。今言。八寸。即有。剩。五分也。其升。斗。寸。尺者。先立其尺。然後造其升。斗。秤。兩。皆以同身。寸。之為法。以尺造。斗。斗。面闊。一尺。底闊。七寸。高。四寸。俱厚。三分。可容。斗。升。尺。以禾。此指節者。方。一。寸。為。兩。十六。兩。為。斤。此制。同。身。寸。尺。升。斗。之。度。為。人。

之腸胃斤重長短之法也

四十三難曰。人不食飲。七日而死者。何也。然人胃中常有留穀。二斗水。一斗五升。故平人日。再至。圍。一行。二升。半。日。中。五升。七日。五。七。三。斗。五。升。而水穀盡矣。故平人不食飲。七日而死者。水穀津液俱盡。即死矣。

丁。曰。人受氣於穀。以養其神。水穀盡。即神去。故安穀者。生。絕穀者。死也。○揚曰。胃中常留水穀。二斗五升。人既不食飲。而日。別。再。圍。便。一。日。五。升。七。日。之。中。五。七。三。斗。五。升。胃。中。水。穀。俱。盡。無。氣。以。生。故。死。焉。圍。廁也。○虞曰。人受氣於穀。今不食飲。七日。是知水穀氣盡。即死也。



幽

四十四難曰七衝門何在然唇為飛門齒為戶門會厭為吸門胃為賁門大倉下口為齒門大腸小腸會為闌門下極為魄門故曰七衝門也

丁曰經言唇為飛門者取動之義也齒為戶門者為關鍵開合五穀由此摧廢出入也會厭為吸門者咽喉為水穀下時厭按呼吸也胃為賁門者胃言若虎賁之士圍達之象故曰賁門也况胃者圍也主倉廩故別名太倉其下口者即腸口是也太腸小腸會為闌門會者合也太腸小腸合會之處分闌水穀精血各有所歸故曰闌門也下極為魄門大腸者肺之府也藏其魄大腸下名肛門又曰魄門也○楊曰人有

七竅是五藏之門戶皆出於面今七衝門者亦是藏府之所出而內外兼有證焉飛門者脾氣之所出也脾主於唇為飛門也飛者動也言唇受水穀動轉入於內也齒為戶門者口齒心氣之所出也在心為志出口為言故齒為心之門戶亦取摧伏五穀傳入於口也會厭為吸門者會厭為五藏音聲之門戶故云會厭為吸門也胃為賁門賁者膈也胃氣之所出也胃出穀氣以傳於肺肺在膈上故以胃為賁門也太倉下口為幽門者腎氣之所出也太倉者胃也胃之下口在齊上三寸既幽隱之處故曰幽門大腸小腸會為闌門闌門者遺失之義也言大小二腸皆輸瀉



於廣腸廣腸既受傳而出之是遺失之意也故曰關門下極為魄門魄門者下極肛門也肺氣上通喉嚨下通於肛門是肺氣之所出也肺藏魄故曰魄門焉衝者通也出也言藏府之氣通出之所也

四十五難曰經言八會者何也然府會太倉

丁曰府會太倉者胃也其穴者中脘是也○虞曰太倉在心前鳩尾下四寸是也足陽明胃脉手太陽少陽脉手少陽三焦脉任脉之會本名中脘此云太倉也即胃之募也胃化氣養大府故云會

藏會季脇

丁曰藏會季脇軟筋之名其端有穴直臍章門穴是

脾之募足厥陰少陰所會故曰藏會季脇也○虞曰是章門穴乃脾之募也直齊季脇端側趾屈上足伸下足齊臂取之乃足厥陰少陽之會也

筋會陽陵泉

丁曰陽陵泉穴名也在膝下一寸外廉是也○虞曰陽陵泉穴在膝下宛宛中足少陽膽脉氣所發也

髓會絕骨

丁曰髓會絕骨是骨名也其穴在外踝上四寸陽輔穴是也○虞曰絕骨乃陽輔穴也亦足少陽之脉氣所出也

血會萬俞



丁曰血會萬俞穴名也在第七椎下兩傍同身寸各一寸五分是也○虞曰萬俞二穴在脊骨第七椎下兩傍各一寸五分足太陽膀胱脉氣所發也  
骨會大杼脉會太淵

丁曰骨會大杼穴名也在項後第一椎兩傍相去同身寸一寸五分脉會太淵穴在右寸內魚際下○虞曰大杼亦足太陽脉氣所發在脊第一椎兩傍各一寸五分太淵在手魚際間應手動脉則手太陰之脉氣所發也

氣會三焦外一筋直兩乳內也熱病在內者取其會之氣穴也

丁曰氣會三焦外一筋直兩乳內者膻中穴是也此者是成會之穴所在也○楊曰人藏府筋骨髓血脉氣此八者皆有會合之穴若熱病在於內則於外取其所會之穴以去其疾也季脇章門穴也三焦外一筋直兩乳內者膻中穴也餘皆可知也

四十六難曰老人卧而不寐少壯寐而不寤者何也然經言少壯者血氣盛肌肉滑氣道通榮衛之行不失於常故晝日精夜不寐老人血氣衰氣肉不滑榮衛之道澹故晝日不能精夜不得寐也故知老人不得寐也  
丁曰天地交泰日月曉昏人之寤寐皆相合也少壯未損其榮衛故寤寐與天地陰陽同度是以晝日精

寤



強夜得其寐也老者損瘁故晝日不能精強榮衛滯  
 瀦所以夜不得寐也是以晝日不精而夜不得寐也  
 ○楊曰衛氣者晝日行於陽陽者身體也夜行於陰  
 陰者腹內也人目開衛氣出則寤入則寐少壯者衛  
 氣行不失於常故晝得安靜而夜得穩眠也老者衛  
 氣出入不得應時故晝不得安靜夜不得寐也精者  
 靜靜安也

四十七難曰人面獨能耐寒者何也然人頭者諸陽之  
 會也諸陰脉皆至頸胸中而還獨諸陽脉皆上至頭耳  
 故令面耐寒也

丁曰天地陰陽升降各有始終陽氣始於立春終於

立冬陰氣始於立秋終於立復其小滿芒種復至小  
 暑太暑此五節故以法象於頭故面獨能耐寒其小  
 雪大雪冬至小寒太寒此五節法象人之足亦不耐  
 其寒此之謂也○楊曰按諸陰脉皆至頸胸中而還  
 蓋取諸陽盡會於頭面諸陰至頭面者少故以言之  
 耳經云三百六十五脉悉會於目如此則陰陽之脉  
 皆至於面不獨言陽脉自至於頭面也

○虛實邪正第七 凡五首

四十八難曰人有二虛三實何謂也然有脉之虛實有  
 病之虛實有診之虛實也脉之虛實者濡者為虛緊牢  
 者為實



丁曰脉緩軟者濡按之而有九者牢實也○楊曰按之如切繩之狀謂之緊也

病之虛實者出者為虛入者為實

丁曰陰陽者主其內外也今陽不足陰出乘之在內俱陰故知出者為虛也陰不足陽入乘之在外俱陽故知入者為實也○楊曰呼多吸少吸多呼少

言者為虛不言者為實

楊曰肺主聲入心為言故知言者為虛肝主謀慮故入心即不言用為實邪故知不言者為實也○楊曰藏氣虛精氣脫故多言語也藏氣實邪氣盛故不欲言語也

緩者為虛急者為實

丁曰陽主躁陰主靜陰即緩陽即急故知緩者為虛急者為實也○楊曰皮肉寬緩皮膚滿急也

診之虛實者濡者為虛

楊曰皮膚濡緩也

牢者為實

楊曰皮肉牢強也

癢者為虛

楊曰身體虛痒也

痛者為實

楊曰身形有痛處皆為實



外痛內快為外實內虛

楊曰輕手按之則痛為外實病淺故也重手按之則快為內虛病深故也

內痛外快為內實外虛

楊曰重手按之則痛為內實病深故也輕手按之則快為外虛病淺故也凡人病按之則痛者皆為實按之則快者皆為虛也

故曰虛實也

楊曰是三虛三實之證也○丁曰診按之心腹皮膚內外其痛按之而止者虛按之而其痛甚者實內外同法也

四十九難曰有正經自病有五邪所傷何以別之然經言憂愁思慮則傷心

丁曰心主脉愁憂思慮即心脉不得宣行故傷心也

○呂曰心為神五藏之君聰明才智皆由心出憂勞之甚則傷其心心傷神弱也○虞曰任治於物清筆栖靈曰心今憂愁思慮不息故傷心也

形寒飲冷則傷肺

丁曰肺主皮毛惡其寒所以形寒飲寒則令傷其肺也○呂曰肺主皮毛形寒者皮毛寒也飲冷者傷肺也肺主受水漿水漿不可冷飲肺又惡寒故曰傷也

悲怒氣逆上而不下則傷肝



丁曰肝主謀慮膽主勇斷故怒極即傷其肝也○呂  
曰肝與膽為藏府其氣勇故主怒怒則傷也○虞曰  
素問云怒則血菀積於上焦名曰逆厥又曰怒甚嘔  
血氣逆使然故傷也  
飲食勞倦則傷脾

丁曰脾主味飲食味美而過食之無度勞動其力倦  
局其足故傷脾也○呂曰飲食飽胃氣滿脾絡恒急  
或走馬跳躍或以房勞脉絡裂故傷脾也○虞曰脾  
為倉廩之官五味出焉謂納其五味化生五氣以養  
人身今飲食勞倦而致自傷是故聖人謹和五味骨  
正筋柔謹道如法長有天命安致自傷養生之道可

不戒哉

久坐濕地強力入水則傷腎

丁曰腎主腰腰者腎之府久坐則腎氣不得宣行故  
損也腎穴在足心底名曰涌泉居處濕地入水故有  
損也強力者務快其心強合陰陽故傷其腎也○呂  
曰久坐濕地謂遭憂喪強力者謂舉重引弩入水者  
謂復溺於水或婦人經水未過強合陰陽也○虞曰  
土主濕自然之理也今久坐濕地則外濕內感於腎  
合之風寒發為瘴病強力過用必致自傷也經脉別  
論曰持重遠行必傷於腎生氣通天論曰因而強力  
腎氣乃傷高骨乃壞經脉別論曰度水跌仆喘出於



腎與胃也

是正經之自病也

丁曰此五者皆正經自病非謂他邪也○呂曰此皆從其藏內自發病不從外來也○虞曰呂氏言其藏內自發其病不從外來其義非也○如形寒飲冷傷肺者謂外寒感於皮毛內合於肺此從外來也又飲冷入口內傷於肺亦從外來也餘悉如此○聖人太意言正經虛則腠理開腠理開則外感於內故曰正經自病也

何謂五邪然有中風

丁曰中者傷也言中風者謂肝應風主色邪散於五

藏為之五色也○呂曰肝主風也○虞曰東方生風風生木惡風又巽木為風

有傷暑

丁曰傷暑者謂心應暑主臭邪散於五藏為之五臭也○呂曰心主暑也○虞曰心火主暑王於夏暑熱也素問曰復傷於暑秋必咳癆

有飲食勞倦

丁曰脾應濕主味邪散入五藏為五味○呂曰脾主勞倦也○虞曰正經自病亦言飲食勞倦傷脾今五邪亦言飲食勞倦正經病謂正經虛又傷飲食五邪病謂食飲傷於脾而致病也



切

有傷寒

丁曰肺主燥而其令清功惡寒主其聲邪散入五藏為之五聲也○巨曰肺主寒也○震曰謂寒感皮毛故曰傷寒也

有中濕

丁曰腎應寒主水邪散入五藏為之五液也○巨曰腎主濕也○震曰水流濕之義也

此之謂五邪

巨曰此五病從外來也○震曰此五行相勝也作邪如卜說也

假令心病何以知中風得之然其色當赤何以言之肝

主色

震曰巽為風屬木故主中風木之華萼敷布五色作五邪乃如下說也

自入為青

震曰本經自病也

入心為赤

震曰肝邪入心其色乃赤

入脾為黃

震曰肝邪入脾其色黃也

入肺為白

震曰肝邪入肺故其色白



入腎為黑

虞曰肝邪在腎其色黑

肝為心邪故知當赤色也

呂曰肝主中風心主傷暑者今心病中風故知肝邪往傷心也

其病身熱脇下滿痛

呂曰身熱者心滿痛者肝二藏之病證也○虞曰心

主傷暑病則身熱肝布兩脇故脇滿肝之乘心也

其脉浮大而絃

呂曰浮大者心弦者肝二藏脉見應也

何以知傷暑得之然當惡臭何以言之心主臭

虞曰心火也火之化物五臭出焉

自入為焦臭

虞曰火性炎上則生焦臭此曰正經自病也

入脾為香臭

虞曰火之化土其臭乃香

入肝為臊臭

虞曰火之化木其臭乃臊

入腎為腐臭

虞曰火之化水其臭乃腐

入肺為腥臭

虞曰火之化金其臭乃腥



故知心病傷暑得之也當惡臭其病身熱而煩心痛其脉浮大而散

呂曰心主暑今傷暑此正經自病不中他邪

何以知飲食勞倦得之然當喜苦味也虛為不欲食實為欲食何以言之脾主味

虞曰稼穡作其禮云其受和故主味也

入肝為酸

虞曰脾主味為邪乘肝病者乃喜酸味也

入心為苦

虞曰脾主味為邪干心病者乃喜苦味也

入肺為辛

虞曰脾主味為邪干肺病者乃喜辛味也

入腎為鹹

虞曰脾主味為邪干腎病者乃喜鹹味也

自入為甘

虞曰土為稼穡本經自病乃喜甘味也

故知脾邪入心為喜苦味也

呂曰心主傷熱脾主勞倦今心病以飲食勞倦得之故知脾邪入心也

其病身熱而體重嗜卧四肢不收

呂曰身熱者心也體重者脾也此二藏病證也

其脉浮大而緩



呂曰浮大者心脉緩者脾脉也

何以知傷寒得之然當譫言妄語何以言之肺主聲

虞曰五金擊之有聲故五音出於肺也

入肝為呼

虞曰木之畏金故呼啓女子云呼亦當嘯

入心為言

虞曰此云言素問云笑謂金火相當夫婦相見故言

笑

入脾為歌

虞曰土母金子母子相見故有歌義

入腎為呻

虞曰金母水子子之見母發嬌呻聲也

自入為哭

虞曰肺主於秋秋者愁也其音商商傷也故自入為哭也

故知肺邪入心為譫言妄語也

呂曰心主暑肺主寒得之故知肺邪入心以為病也

其病身熱洒洒惡寒甚則喘咳

呂曰身熱者心惡寒者肺此二藏病證也

其脉浮大而濇

呂曰浮大者心脉濇者肺脉也

何以知中濕得之然當喜汗出不可止何以言之腎主



濕

丁曰腎主水水化五液也○虞曰腎主水水流濕故五濕皆出於腎

入肝為泣

虞曰悲哀動中則傷魂魂傷則感而淚下謂肺主悲悲則金有餘木乃畏之水者木之母母憂子故肝為泣也

入心為汗

虞曰水火交泰蒸之為汗

入脾為液

虞曰土失水妻妻從夫則生涎也

入肺為涕

虞曰北方生寒寒生腎今寒感皮毛內合於肺肺寒則涕是知入肺為涕

自入為唾

虞曰腎之脉上絡於舌故生唾也離中六二爻是也此則正經自病

故知腎邪入心為汗出不可止也

呂曰心主暑腎主濕今心病以傷濕得之故知腎邪入心也

其病身熱而小腹痛足脛寒而逆

呂曰身熱者心小腹痛者腎腎邪于心此二藏病證



其脉沉濡而大

也曰其脉沉濡而大者心脉沉濡者腎脉也

此五邪之法也

五十難曰病有虛邪有實邪有賊邪有微邪有正邪何以別之然從後來者為虛邪

丁曰假令心病得肝脉來乘是為虛邪肝是母心是子子能令母虛故云從後來者為虛邪○呂曰心王之時脉當洪大而長反得弦小而急是肝王畢木傳於心奪心之王是肝往乘心故言從後來也肝為心之母母之乘子是為虛邪也

從前來者為實邪

丁曰脾脉來乘是為實邪心是母脾是子而母能令子實故云從前來者為實邪也○呂曰謂心王得脾脉心王畢當傳脾今心王未畢是脾來逆奪其王故言從前來也脾者心之子子之乘母是為實邪

從所不勝來者為賊邪

丁曰火所不勝於水心病腎脉來乘故為賊邪○呂曰心王得腎脉水勝火故是為賊邪也

從所勝來者為微邪

丁曰火所勝於金心病肺脉來乘故云微邪○呂曰心王反得肺脉火勝金故為微邪也



身病者為正邪

丁日無他邪相乘則為正邪○臣曰心王之時脉實強太過反得虛微為正邪也

何以言之假令心病中風得之為虛邪傷暑得之為正邪

臣曰心主暑今心身病傷暑故為正邪也

飲食勞倦得之為實邪

臣曰從前來者脾乘心也脾主勞倦故為實邪

傷寒得之為微邪

臣曰從所勝來者肺乘心也肺主寒又畏心故為微邪

中濕得之為賊邪

臣曰從所不勝來者腎乘心也腎主濕水尅火故為賊邪也○丁日夫在天之寒在地為水在人為腎腎主水與寒在天之風在地為木在人為肝肝主風在天之暄暑在地為火在人為心心主暑在天之燥在地為金在人為肺肺主燥在天之濕在地為土在人為脾脾主濕此是天地人三才相通也今經以寒合肺以濕合腎以飲食勞倦合脾此三者義理稍差未詳其肯

五十一難曰病有欲得溫者有欲得寒者有欲得見人者有不欲得見人者而各不同病在何藏府也然病欲

惟經集注 卷四

五十一難 臣曰陽病作熱故欲得寒陽氣清明故欲見人陰病為寒故欲得溫陰氣冥故不欲見人也



得寒而欲見人者病在府也病欲得溫而不欲得見人者病在藏也何以言之府者陽也陽病欲得寒又欲見入藏者陰也陰病欲得溫又欲閉戶獨處惡聞人聲故以別知藏府之病也

丁曰手三陰三陽應天主暄暑燥病即欲得寒也然陽者明也是以欲得見人陽為府故言病在府也足三陰三陽應地主風寒濕故病即欲得溫陰主藏故不欲見人也諸浮躁者病在手諸靜不躁者病在足五十二難曰府藏發病根本等不然不等也其不等奈何然藏病者止而不移其病不離其處

丁曰藏病為陰陰主靜故止而不移○呂曰藏者陰

決於地故不移動也

府病者彷彿貴嚮上下行流居處無常

丁曰府病為陽主動故上下行流居處無常○呂曰府陽也陽者法天天有廻旋不休故病流轉居無常處也

故以此知藏府根本不同也

○藏府傳病第八 凡二首

五十二難曰經言七傳者死間藏者生何謂也然七傳者傳其所勝也間藏者傳其子也何以言之假令心病傳肺肺傳肝肝傳脾脾傳腎腎傳心一藏不再傷故言七傳者死也間藏者傳其所生也



丁曰經云前七傳者死後言間藏者生其言七傳者  
 是五藏為陰傳其所勝間藏者是六府為陽故傳其  
 所生亦五藏六府並應五行傳其所生者生傳其所  
 勝者死其言傳肺肺死而不傳故一藏不再傷也○  
 呂曰七當為次字之誤也此下有間字即知上當為  
 次又有五藏心獨再傷為有六傳耳此蓋次傳其所  
 勝藏故其病死也○虞曰七傳者死七字明也呂氏  
 以七為次深為誤矣又聲音不相近也今明之以示  
 後學謂五行相生而數之數終於五又却再數至二  
 成七向上之五來傳於七七之被尅故云死也今舉  
 一例以發明之假令相生之數數木火土金水水火

第五水字隔第六木字來尅第七火字火被水尅故  
 曰七傳下文云間藏者是第五水字下傳與第六木  
 字見相生故曰間藏者生也呂氏言次者次正成間  
 藏也

假令心病傳脾脾傳肺肺傳腎腎傳肝肝傳心是母子  
 相傳竟而復始如環之無端故言生也

丁曰其言心傳脾脾得生氣再傳於肺是母子相傳  
 故言生也○呂曰間藏者間其所勝藏而相傳也心  
 勝肺脾間之肝勝脾心間之脾勝腎肺間之肺勝肝  
 腎間之腎勝心肝間之此謂傳其所生也

五十四難曰藏病難治府病易治何謂也然藏病所以



難治者傳其所勝也府病易治者傳其子也與七傳間藏同法也

丁曰藏者陰也病難治者謂言傳其勝也勝者謂肝勝脾脾勝腎腎勝心心勝肺肺勝肝故難治也府者陽也言陽病傳其子者即是木病傳火火病傳土土病傳金金病傳水水木迤相生即府病易治也是故與七傳間藏法同也○楊曰與前章略同也


○藏府積聚第九 凡二首

五十五難曰病有積有聚何以別之然積者陰氣也聚者陽氣也故陰沉而伏陽浮而動氣之所積名曰積氣之所聚名曰聚故積者五藏所生聚者六府所成也積

者陰氣也其始發有常處其痛不離其部上下有所終始左右有所窮處聚者陽氣也其始發無根本上下無所留止其痛無常處謂之聚故以是別知積聚也

丁曰積者陰氣所積是五藏傳其所勝當王時不受邪故留結為積所以止而不移也聚者六府之為病陽也所傳其子以迴轉不定又陽主動故無常處○呂曰諸陰証病常在丁處牢強有頭足止不移者藏氣所作死不治故言藏病難治所以證病上下左右無常處者此所謂陽證雖因可治本不死也故當經歲月故經言府病易治

五十六難曰五藏之積各有名乎以何月何日得之然





肝之積名曰肥氣在左脇下如覆杯有頭足久不愈冷  
久發咳逆瘖瘡連歲不已以季復戊巳日得之何以言  
之肺病傳於肝肝當傳脾脾季復適王王者不受邪肝  
復欲還肺肺不肯受故留結為積故知肥氣以季復戊  
巳日得之


楊曰積蓋也言血脈不行積蓋成病也凡積者五藏  
所生也榮氣常行不失節度謂之平人平人者不病  
也一藏受病則榮氣壅塞故病焉然五藏受病者則  
傳其所勝所勝適王則不肯受傳既不肯受則反傳  
所勝所勝復不為納於是則留結成積漸以長大病  
因成矣肥氣者肥盛也言肥氣聚於左脇之下如覆

杯突出如肉肥盛之狀也小兒多有此病按前章有  
積有聚此章唯出五積之名狀不言諸聚聚者六府  
之病亦相傳行還如五藏以勝相加故不重言從省  
約也

心之積名曰伏梁起齊上天如臂上至心下久不愈冷  
久病煩心以秋庚辛日得之何以言之腎病傳心心當  
傳肺肺以秋適王王者不受邪心復欲還腎腎不肯受  
故留結為積故知伏梁以秋庚辛日得之

楊曰伏梁者言積自齊上至心下其大如臂狀似屋  
舍棟梁也

脾之積名曰痞氣在胃脘覆大如盤久不愈令人四肢





不取發黃疽飲食不為肌膚以冬主癸日得之何以言  
之肝病傳脾脾當傳腎腎以冬適王王者不受邪脾復  
欲還肝肝不肯受故留結為積故知痞氣以冬主癸日  
得之

楊曰痞否也言否結成積也脾氣虛則胃中熱而引  
食焉脾病不能通氣行津液故雖食多而羸瘦也

肺之積名曰息賁在右脇下覆大如杯久不已令人洒  
浙寒熱喘咳發肺壅以春甲乙日得之何以言之心病  
傳肺肺當傳肝肝以春適王王者不受邪肺復欲還心  
心不肯受故留結為積故知息賁以春甲乙日得之  
楊曰息長也賁滿也言肺在膈上其氣不行漸長而

遍於膈故曰息賁一曰賁聚也言其漸長而聚蓄肺  
為上蓋藏中陽也陽氣盛故令人發肺壅也

腎之積名曰贲豚發於少腹上至心下若豚狀或上或  
下無時久不已令人喘逆骨疼少氣以夏丙丁日得之  
何以言之脾病傳腎腎當傳心心以夏適王王者不受  
邪腎復欲還脾脾不肯受故留結為積故知贲豚以夏  
丙丁日得之此是五積之要法也

丁曰人之五藏本和謂恣慾五情所以有增損故蘊  
積生其病也故有積有聚積病為陰聚病為陽王時  
即安失時即病也舊經文注皆明矣○楊曰此病狀  
似豚而上衝心又有奔豚之氣非此積病也名同而



疾異焉

○五泄傷寒第十九四首

五十七難曰泄凡有幾皆有各不然泄凡有五其名不同有胃泄有脾泄有大腸泄有小腸泄有大瘕泄名曰後重胃泄者飲食不化色黃

楊曰泄利也胃屬土故其利色黃而飲食不化焉化變也消也言所食之物皆完出不消變也○虞曰此乃風入於腸上重於胃故使食不消化風論曰久風入中則為腸風飧泄飧泄為食不消化也

脾泄者腹脹滿泄注食即嘔吐逆

楊曰注者無節度也言利下猶如注水不可禁止焉

脾病不能化穀故食即吐逆○虞曰中央生濕濕生土土生脾脾惡濕濕氣之勝故腹脹而泄注土性主信又主味今土病於味無信故食則吐逆陰陽應象論曰濕勝則濡瀉謂濕氣內攻脾胃則水穀不分故泄注

大腸泄者食已窘迫大便色白腸鳴切痛

楊曰窘迫急也食訖即欲利迫急不可止也白者從肺色焉腸鳴切痛者冷也切者言痛如刀切其腸之狀也○虞曰大腸氣虛所以食畢而急思廁虛則邪傳於內真邪相擊故切痛也

小腸泄者溲而便膿血少腹痛



楊曰小腸屬心心主血脉故便膿血少腸處在少腹故小腹痛也

大瘕泄者裏急後重數至圓而不能便莖中痛此五泄之法也

楊曰瘕結也少腹有結而又下利者是也一名利重後言大便處疼重也數欲利至所即不利又痛引陰莖中此是腎泄也按諸方家利有二十餘種而此惟見五種者蓋舉其宗維耳○虞曰腎開竅於二陰氣虛故數思圓後重而不能便莖中痛腎氣不足傷於衝脉故裏急也靈樞病物曰凡五泄者春傷於風寒邪留連乃為洞泄此之謂也○下曰裏急者腸中痛

後重者腰以上沉重也餘皆舊經有注

五十八難曰傷寒有幾其脉有變不然傷寒有五有中風有傷寒有濕温有熱病有温病其所苦各不同中風之脉陽浮而滑陰濡而弱

下曰肌肉之上陽脉所行輕手按之狀若太過謂之滑肌肉之下陰脉所行重手按之不足謂之弱此者是按之不足舉之有餘故知中風也○楊曰自霜降至春分傷於風冷即病者謂之傷寒其冬時受得寒氣至春又中春風而病者謂之冷温病其至夏發者多熱病病而多汗者謂之濕温其傷於八節之虛邪者謂之中風據此經言温病則是疫癘之病非為春



病也疫癘者謂一年之中或一州一縣若大若小俱病者是也按之乃覺往來如有舉之如無者謂之弱也關以前浮滑尺中濡弱者也

濕溫之脉陽濡而弱陰小而急

丁曰陽濡而弱者肌肉之上陽脉所行濡弱者濕氣所勝火也肌肉之下陰脉所行小急者是土濕之不勝水故見小急所以言陽濡而弱陰小而急也○楊曰小細也急疾也○虞曰濕溫之病謂病人頭多汗出何以言之寸口謂陽脉見濡弱者此水之乘火也本經曰腎主液入心成汗此之謂也

傷寒之脉陰陽俱盛而緊澹

丁曰陰陽俱盛者極也謂寸尺脉俱盛極而緊澹此者中霧露之寒也水得風寒而凝結故知腎得寒而有此脉見也○虞曰如切繩狀曰緊如刀割竹曰澹熱病之脉陰陽俱浮浮之滑沉之散澹

丁曰陰陽俱浮者謂尺寸俱浮也浮之而滑者輕手按之而滑是心傷熱脉也沉之而散澹者沉手而按之而散澹是津液虛少也○楊曰輕手按者名浮重手按者名沉也

濕病之脉行在諸經不知何經之動也各隨其經所在而取之

丁曰肺者金主氣散行諸經不知何經虛而傳受此



邪故隨其所在取其病邪也○楊曰兼鬼癘之氣散而行諸經故不可不預知臨病人而診之知其何經之動即為治也

傷寒有汗出而愈下之而死者有汗出而死者下之而愈者何也然陽虛陰盛汗出而愈下之即死陽盛陰虛汗出而死下之而愈

下曰其陰陽盛虛者謂非言脈之浮沉也謂寒暑病異燥濕不同人之五藏六府有十二經皆受於病其手太陽少陰屬火主暄手陽明太陰屬金主燥手少陽厥陰屬相火主暑此是燥暑暄六經以通天氣病即不躄重惡風而有躁素問曰諸浮躁者病在手是

也若以兼氣下之即愈服桂枝取汗汗出即死其足太陽少陰屬水主寒足陽明太陰屬土主濕足厥陰少陽屬木主風此是風寒濕六經以通地氣病即體重惡寒故素問曰諸浮不躁者病在足是也若以桂枝取汗汗出即愈服兼氣下之即死此是五藏六府配合陰陽大法也所以經云陽虛陰盛汗出而愈下之而死其陽盛陰虛汗出而死下之而愈此義非反顛倒也○楊曰此說及倒於義不通不可依用也若反此行之乃為順爾○虞曰諸經義皆不錯此經例義必應傳寫誤也凡傷寒之病脈浮大而數可汗之則愈病有表也脈沉細而數可下之則愈病在裏也



推此行之萬無一失

寒熱之病候之如何也然皮寒熱者皮不可近龐毛髮焦鼻稟不得汗

丁曰肺候身之皮毛太腸為表裏藏病即寒府病即熱故言皮寒熱也皮不可近席者謂手三陰三陽法天天動故病即不欲卧近席也毛髮焦鼻稟不得汗者謂下有心火燥熱之為病不得汗之汗之即死下之即愈謂肺主燥故也

肌寒熱者皮膚痛唇舌稟無汗

丁曰脾候身之肌肉胃為表裏藏病即體寒府病即體熱故言肌寒熱也皮膚痛唇舌稟脾者應土土主

濕故皮膚津液出體重其津液外泄即唇舌稟病名濕燥無以汗之汗之即腸胃瀉不通下之即泄注此者是濕氣之為病當溫中調氣也

骨寒熱者病無所安汗注不休齒本稟痛

丁曰腎主骨與膀胱為表裏病在陽即身熱體重惡寒在陰即寒病無所安腎主水汗注不休齒本稟痛汗即愈下即死陰盛陽虛故死○楊曰五藏六府皆有寒熱此經惟出三狀餘皆闕也

五十九難曰狂癲之病何以別之然狂之始發少卧而不饑自高賢也自辨智也自貴倍也妄笑好歌樂妄行不休是也



丁曰狂病者病在手三陽而反汗故陽盛即發狂也  
 病在足三陰而反下故陰盛即發癲也○楊曰狂病  
 之候觀其人初發之時不欲眠卧又不肯飲食自言  
 賢智尊貴歌笑行走不休皆陽氣盛所為故經言重  
 陽者狂此之謂也今人以爲癲疾謬矣

癲疾始發意不樂直視僵化其脉三部陰陽俱盛是也

丁曰經言重陽者狂重陰者癲今三部陰陽俱盛者  
 寸爲陽尺爲陰寸尺俱盛極而沉也○楊曰癲顛也  
 發則僵化焉故有顛蹶之言也陰氣太盛故不得行  
 立而側仆也今人以爲癲病誤矣

六十難曰頭心之病有厥痛有真痛何謂也然手三陽

之脉受風寒伏留而不去者則名厥頭痛入連在腦者  
 名真頭痛

丁曰手三陽者陽中之陽今受風寒伏留不去即是  
 三陽逆於上故名曰厥頭痛入連在腦者名曰真頭  
 痛腦者髓海風寒入即死矣○楊曰去者行也厥者  
 逆也言手三陽之脉伏留而不行則壅逆而衝於頭  
 故名厥頭痛也足三陽留壅亦作頭痛今經不言之  
 從省久故也○真曰風冷之氣入於三陽之經故頭  
 厥痛也其痛立已真頭痛者謂風冷之氣入於泥丸  
 官則爲髓海邪入則曰真頭痛也頭腦中痛甚而手  
 足冷至肘膝者名真頭痛其寒氣入深故也風寒之

久疑欠

資王經引難經疏  
 側作倒



氣循風府入於腦故云入連腦也

其五藏氣相干名厥心痛

楊曰諸經絡皆屬於心若一經有病其脈逆行逆則乘心乘心則心痛故曰厥心痛是五藏氣衝逆致痛非心家自痛也

其痛甚但在心手足青者即名真心痛其真心痛者且發夕死夕發且死

丁曰真心不病外經受五邪相干名曰厥心痛其痛甚則手足青而冷神門穴絕者死病名真心痛也○楊曰心者五藏六府之王法不受病病即神去氣端故手足為之清冷也心痛手足冷者為真心痛手足

端字可考

溫者為厥心痛也頭痛亦然從今日平且至明日平且為一日今云且發夕死夕發且死是正得半日而死也

○神聖工巧第十一 九一首

六十一難曰經言望而知之謂之神聞而知之謂之聖問而知之謂之工切脈而知之謂之巧何謂也然望而知之者望見其五色以知其病

楊曰望色者假令肝部見青色者肝身病見赤色者心乘肝肝亦病故見五色知五病也

聞而知之者聞其五音以別其病

楊曰五音者謂宮商角徵羽也以配五藏假令病人



好哭者肺病也好歌者脾病也故云聞其音知其病也

問而知之者聞其所欲五味以知其病所起所在也

楊曰問病人云好辛味者則知肺病也好食冷者則知內熱故云知所起所在

切脉而知之者診其寸口視其虛實以知其病病在何藏府也

丁曰目視當作持字為以手循持其寸口也○楊曰切按也謂按寸口之脉若弦多者肝病也洪多者心病也浮數則病在府沉細則病在藏故云在何藏也

經言以死知之曰聖以內知之曰神此之謂也

丁曰夫脉合五色色合五味味合五音故有此望聞問切之法經內前篇具說習之者能知此及是神聖工巧之良醫也○楊曰視色聽聲切脉皆在外而知內之病也

○藏府并俞第十二 九七首

六十二難曰藏并榮有五府獨有六者何謂也然府者陽也三焦行於諸陽故置一俞名曰原府有六者亦與三焦共一氣也

丁曰三焦者臣使之官位應相火宣行君火命令使行於諸陽經中故置一俞名曰原所以府有六亦是三焦之一氣故三焦共一氣也○楊曰五藏之脉皆



以所出為井所流為榮所注為俞所行為經所入為  
 谷是謂五俞以應金木水火土也六府亦並以所出  
 為井所流為榮所注為俞所過為原所行為經所入  
 為合其俞亦應五行惟原獨不應五行原者元也元  
 氣者三焦之氣也其氣尊大故不應五行所以六府  
 有六俞亦以應六合於乾道也然五藏亦有原則以  
 第三穴為原所以不別立穴者五藏法地地卑故三  
 焦之氣經過而已所以無別穴六府既是陽三焦亦  
 是陽故云共一氣也○虞曰天以六氣司下地以五  
 行奉上六氣者風寒暑燥濕火也五行者金木水火  
 土也十一之氣相因而成人應之乃六府法六氣五

藏法五行亦十一之氣相因而成也天得六謂天屬  
 陽以陰數配之地得五謂地屬陰以陽數配之而成  
 陰陽也人府藏亦然六府配六氣者謂膽木配風勝  
 膀胱水配寒小腸火配暑大腸金配燥胃土配濕三焦  
 少陽配火三焦為原氣在六府陽脈中自立一為原  
 也五藏配五行者肝木心火脾土肺金腎水五藏法  
 陰無原一穴者謂五行陰脈穴中原氣暗主之故原  
 井俞同一穴也故曰三焦共一氣其理明矣詳此經  
 義前後問答文理有關  
 六十三難曰十變言五藏六府榮合皆以井為始者何  
 也然井者東方春也



虞曰經言井者東方春也春者施化育無求其報春者仁也在五常仁乃法水水之有仁者井水也井水濟人亦無求報故經云井者東方春也易曰井養而不窮可象春仁也

萬物之始生

虞曰萬物始生由春氣之化育也

諸歧行喘息蛸飛蠕動當生之物莫不以春而生

虞曰井有仁焉故聖人涉春育物以象於井也夫葭灰方飛蟄虫始振所以歧虫行喘息蛸虫飛蠕虫動皆因春氣而生故也蛸乃井中虫也故歲數始於春

虞曰春木也下文甲亦木井有仁仁亦木也今以井為始者謂仁道至大在歲春為首在首甲為首在經脉井為首故也

日數始於甲故以井為始也


楊曰凡藏府皆以井為始井者謂谷井爾非謂堀作之井山谷之中泉水初出之處名之曰井井者主出之義也泉水既生留停於近榮迂未成大流故名之曰榮榮者小水之狀也留停既深便有注射輸文之處故名之曰俞俞者委積逐流行經歷而成渠徑徑者經也亦經營之義也經行既達合會於海故名之曰合合者會也此是水行流轉之義人之經脉亦法

翰



於此故取名焉所以井為始春者以其所生之義也  
 歲數始於春者正月為歲首故也日數始於甲者謂  
 東方甲乙也正月與甲之皆屬於春也○丁日十二  
 經氣穴三百六十五穴皆以井為始各有其終矣

王翰林集註黃帝八十一難經卷之四



*[Faint bleed-through text from the reverse side of the page, including characters like '三十一' and '難經']*







